

тя на то, ни твоя крѣпость, но на Божіе смотреніе оставляетъ сицевая дѣла: понеже духъ бодръ а плоть немощна, по реченному въ евангелію. Брате Іоанне! прежде искусясь съ постомъ, съ метаніемъ, съ молитвою и съ великій трудъ испроси себѣ помощь отъ Бога, и тогда приступи къ мученію. Аще ли же неможеши сіе творити, болѣе есть яко да прибѣгнешь со женою твоею въ другія предѣли, гдѣ васъ не познавають и тамо да миропомажетесь отъ якого священника, и да пріимети канонъ по писанію нашимъ святымъ отцемъ, и тако тамо да покается за врѣмя дондеже Богъ что устроитъ о васъ. Ближній же Іоаннъ отвѣща духовнику и рече: добро поучаешь мя, честный отче, яко да прибѣгну въ другія предѣли, но невозможно есть мнѣ прибѣгнуги со женою, понеже имѣетъ дѣца отъ перваго своего мужа, якоже и ты знаешь. Но азъ хочу ню оставити и прибѣгнуги самъ подъ покровъ пресвятыя владычицы нашея богородицы, аще хоцетъ и жена нека прибѣгни и она подъ тойжде покровъ, аще ли ни, азъ самъ то хочу сотворити, и Богъ що хоцетъ да дастъ ми, хвалу воздамъ ему, и да будетъ имя его благословенно отъ нынѣ и до вѣка. И изрекши блаженный Іоаннъ сіи словеса предъ духовника и обращая погледавши на икону матери божію,¹⁾ заплакася и рече по стихотворцу: И кое иное прибѣжище, якоже ты, богородице, упованіе наше; Духовникъ же слишавши отъ блаженнаго сия божественныя словеса изреченія отъ него, и видѣвши и познавши да есть исполненъ божественною ревностію, съ словомъ више укрѣпи его тогда и послѣдно рече къ нему: иди, брате Іоанне, и молися Богу и богоматери, яко да будутъ ти управители на путь спасеній.

¹⁾ Сію икону имяше сей духовникъ изъ аѳонскѣй горѣ отъ своего монастыря, Каракаль зовомій, дадена ему купно со мощи, яже есть глава святому великомученику Меркурію.